

# Offerynnau Statudol sydd ag Adroddiadau Clir

## 08 Mawrth 2021

### SL(5)759 – Rheoliadau Cyd-bwyllgor Corfforedig y De-orllewin (Cymru) 2021

#### Gweithdrefn: Cadarnhaol

Mae adran 74 o Ddeddf Llywodraeth Leol ac Etholiadau (Cymru) 2021 (“Deddf 2021”) yn galluogi Gweinidogion Cymru, drwy reoliadau, i sefydlu cyd-bwyllgorau corfforedig. Sefydlir y cyrff corfforaethol hyn er mwyn arfer rhai swyddogaethau a bennir yn y rheoliadau sy'n eu sefydlu, mewn perthynas ag ardal sy'n cynnwys ardaloedd yr awdurdodau lleol sy'n ffurfio aelodaeth y cyd-bwyllgor corfforedig. Yn ogystal â hynny, pan roddir swyddogaethau mewn perthynas â chynllunio strategol i gyd-bwyllgor corfforedig, caiff awdurdod Parc Cenedlaethol fod yn aelod o'r pwyllgor hefyd.

Mae'r Rheoliadau hyn yn sefydlu corff corfforedig a elwir yn Gyd-bwyllgor Corfforedig y De-orllewin, ac yn pennu'r swyddogaethau a ganlyn fel rhai sy'n arferadwy gan y corff hwn—

- (1) y swyddogaeth llesiant economaidd (gweler adran 76 o Ddeddf 2021),
- (2) datblygu polisiau trafndiaeth a llunio cynlluniau trafndiaeth rhanbarthol o dan Ran 2 o Ddeddf Trafndiaeth 2000), a
- (3) llunio cynlluniau datblygu strategol (gweler Rhan 6 o Ddeddf Cynllunio a Phrynu Gorfodol 2004).

Mae 5 Rhan i'r Rheoliadau.

Mae Rhan 1 yn sefydlu Cyd-bwyllgor Corfforedig y De-orllewin, a'i ardal, ac yn diffinio rhai termau allweddol.

Mae Rhan 2 yn cyflwyno'r Atodlen i'r Rheoliadau. Mae'r Atodlen hon yn cynnwys trefniadau cyfansoddiadol Cyd-bwyllgor Corfforedig y De-orllewin, gan gynnwys trefniadau ynghylch cynnal a chadeirio cyfarfodydd, pleidleisio ar benderfyniadau, sefydlu is-bwyllgorau a staffio.

Mae Rhan 3 yn nodi aelodaeth Cyd-bwyllgor Corfforedig y De-orllewin. Yn unol â'r Rhan hon, bydd y corff wedi ei ffurfio o 4 aelod cyngor, un ar gyfer pob awdurdod lleol yn y de-orllewin, aelod o Awdurdod Parc Cenedlaethol Bannau Brycheiniog, ac aelod o Awdurdod Parc Cenedlaethol Arfordir Penfro nad oes ganddynt ond hawl i bleidleisio ar faterion sy'n ymwneud â llunio cynlluniau datblygu strategol. Caiff y Pwyllgor gyfethol personau eraill (a elwir yn “cyfranogwyr cyfetholedig”) i gyfranogi ym musnes y Pwyllgor a chaiff roi hawliau pleidleisio i gyfranogwyr cyfetholedig.

Mae Rhan 4 yn pennu y caniateir arfer y 3 swyddogaeth a grybwyllir uchod gan Gyd-bwyllgor Corfforedig y De-orllewin ac y caiff y Pwyllgor wneud pethau eraill i hwyluso arfer y



swyddogaethau hynny neu bethau sy'n gysylltiedig ag arfer y swyddogaethau hynny neu'n ffafriol iddynt.

Mae Rhan 5 yn cynnwys darpariaeth ynghylch sut y mae Cyd-bwyllgor Corfforedig y De-orllewin i gyfrifo ei gyllideb a sut y mae i'w ariannu.

**Rhiant-Ddeddf:** Deddf Llywodraeth Leol ac Etholiadau (Cymru) 2021

**Fe'u gwnaed ar:**

**Fe'u gosodwyd ar:**

**Yn dod i rym ar:**

## **SL(5)760 – Rheoliadau Cyd-bwyllgor Corfforedig y Gogledd (Cymru) 2021**

### **Gweithdrefn: Cadarnhaol**

Mae adran 74 o Ddeddf Llywodraeth Leol ac Etholiadau (Cymru) 2021 ("Deddf 2021") yn galluogi Gweinidogion Cymru, drwy reoliadau, i sefydlu cydbwyllgorau corfforedig. Caiff y corff corfforedig hyn eu sefydlu er mwyn arfer rhai swyddogaethau a bennir yn y rheoliadau sy'n eu sefydlu, a hynny mewn perthynas ag ardal sy'n cynnwys ardaloedd yr awdurdodau lleol, sy'n aelodau o'r cydbwyllgor corfforedig. Yn ogystal, pan roddir swyddogaethau i gydbwyllgor corfforedig mewn perthynas â chynllunio strategol, gall awdurdod Parc Cenedlaethol hefyd fod yn aelod o'r pwyllgor.

Mae'r Rheoliadau hyn yn sefydlu corff corfforedig i'w alw'n Gyd-bwyllgor Corfforedig y Gogledd (Cymru), ac yn nodi'r swyddogaethau canlynol fel rhai sy'n arferadwy gan y corff hwn—

- (1) y swyddogaeth llesiant economaidd (gweler adran 76 o Ddeddf 2021),
- (2) datblygu polisiau trafndiaeth a pharatoi cynlluniau trafndiaeth rhanbarthol (o dan Ran 2 o Ddeddf Trafndiaeth 2000), a
- (3) pharatoi cynlluniau datblygu strategol (gweler Rhan 6 o Ddeddf Cynllunio a Phrynu Gorfodol 2004).

Mae 5 Rhan i'r Rheoliadau hyn.

Mae Rhan 1 yn sefydlu Cyd-bwyllgor Corfforedig y Gogledd (Cymru) a'i ardal, ac yn diffinio rhai termau allweddol.



Mae Rhan 2 yn cyflwyno'r Atodlen i'r Rheoliadau. Mae'r Atodlen hon yn cynnwys y trefniadau cyfansoddiadol ar gyfer Cyd-bwyllgor Corfforedig y Gogledd (Cymru), gan gynnwys trefniadau ynghylch cynnal a chadeirio cyfarfodydd, pleidleisio ar benderfyniadau, sefydlu is-bwyllgorau a staffio.

Mae Rhan 3 yn pennu aelodaeth Cyd-bwyllgor Corfforedig y Gogledd (Cymru). Yn unol â'r Rhan hon, bydd 6 aelod cyngor yn rhan o'r corff, gydag un ar gyfer pob un o'r awdurdodau lleol yn y Gogledd, ac aelod o Awdurdod Parc Cenedlaethol Eryri sydd â chaniatâd i bleidleisio ar faterion sy'n ymwneud â pharatoi cynlluniau datblygu strategol yn unig. Gall y Pwyllgor gyfethol unigolion eraill ("cyfranogwyr cyfetholedig" fel y'u gelwir) i gyfranogi ym musnes y Pwyllgor a gall roi hawliau pleidleisio i gyfranogwyr cyfetholedig.

Mae Rhan 4 yn pennu y caniateir arfer y tair swyddogaeth a grybwyllir uchod gan Gyd-bwyllgor Corfforedig y Gogledd (Cymru) ac y caiff y Pwyllgor wneud pethau eraill i hwyluso arfer y swyddogaethau hynny neu bethau sy'n gysylltiedig ag arfer y swyddogaethau hynny neu'n ffafriol iddynt.

Mae Rhan 5 yn cynnwys darpariaeth ynghylch sut y mae Cyd-bwyllgor Corfforedig y Gogledd (Cymru) i gyfrifo ei gyllideb a sut y mae i'w ariannu.

**Rhiant-Ddeddf:** Deddf Llywodraeth Leol ac Etholiadau (Cymru) 2021

**Fe'u gwnaed ar:**

**Fe'u gosodwyd ar:**

**Yn dod i rym ar:**

## **SL(5)761 – Rheoliadau Cyd-bwyllgor Corfforedig y Canolbarth (Cymru) 2021**

### **Gweithdrefn: Cadarnhaol**

Mae adran 74 o Ddeddf Llywodraeth Leol ac Etholiadau (Cymru) 2021 ("Deddf 2021") yn galluogi Gweinidogion Cymru, drwy reoliadau, i sefydlu cydbwyllgorau corfforedig. Caiff y cyrff corfforedig hyn eu sefydlu er mwyn arfer rhai swyddogaethau a bennir yn y rheoliadau sy'n eu sefydlu, a hynny mewn perthynas ag ardal sy'n cynnwys ardaloedd yr awdurdodau lleol, sy'n aelodau o'r cydbwyllgor corfforedig. Yn ogystal â hynny, pan roddir swyddogaethau mewn perthynas â chynllunio strategol i gydbwyllgor corfforedig, caiff awdurdod Parc Cenedlaethol fod yn aelod o'r pwyllgor hefyd.

Mae'r Rheoliadau hyn yn sefydlu corff corfforedig i'w alw'n Gyd-bwyllgor Corfforedig y Canolbarth (Cymru), ac yn nodi'r swyddogaethau canlynol fel rhai sy'n arferadwy gan y corff hwn—



- (1) y swyddogaeth llesiant economaidd (gweler adran 76 o Ddeddf 2021),
- (2) datblygu polisiâu trafndiaeth a pharatoi cynlluniau trafndiaeth rhanbarthol (o dan Ran 2 o Ddeddf Trafndiaeth 2000), a
- (3) pharatoi cynlluniau datblygu strategol (gweler Rhan 6 o Ddeddf Cynllunio a Phrynu Gorfodol 2004).

Mae 5 Rhan i'r Rheoliadau hyn.

Mae Rhan 1 yn sefydlu Cyd-bwyllgor Corfforedig y Canolbarth (Cymru) a'i ardal, ac yn diffinio rhai termau allweddol.

Mae Rhan 2 yn cyflwyno'r Atodlen i'r Rheoliadau. Mae'r Atodlen hon yn cynnwys y trefniadau cyfansoddiadol ar gyfer Cyd-bwyllgor Corfforedig y Canolbarth (Cymru), gan gynnwys trefniadau ynghylch cynnal a chadeirio cyfarfodydd, pleidleisio ar benderfyniadau, sefydlu is-bwyllgorau a staffio.

Mae Rhan 3 yn pennu aelodaeth Cyd-bwyllgor Corfforedig y Canolbarth (Cymru). Yn unol â'r Rhan hon, bydd y corff wedi ei ffurfio o 2 aelod cyngor, un ar gyfer pob awdurdod lleol yn y Canolbarth, ac aelod o Awdurdod Parc Cenedlaethol Bannau Brycheiniog, nad oes ganddynt ond hawl i bleidleisio ar faterion sy'n ymwneud â llunio cynlluniau datblygu strategol. Gall y Pwyllgor gyfethol unigolion eraill ("cyfranogwyr cyfetholedig" fel y'u gelwir) i gyfranogi ym musnes y Pwyllgor a gall roi hawliau pleidleisio i gyfranogwyr cyfetholedig.

Mae Rhan 4 yn pennu y caniateir arfer y tair swyddogaeth a grybwyllir uchod gan Gyd-bwyllgor Corfforedig y Canolbarth (Cymru) ac y caiff y Pwyllgor wneud pethau eraill i hwyluso arfer y swyddogaethau hynny neu bethau sy'n gysylltiedig ag arfer y swyddogaethau hynny neu'n ffafriol iddynt.

Mae Rhan 5 yn cynnwys darpariaeth ynghylch sut y mae Cyd-bwyllgor Corfforedig y Canolbarth (Cymru) i gyfrifo ei gyllideb a sut y mae i'w ariannu.

**Rhiant-Ddeddf:** Deddf Llywodraeth Leol ac Etholiadau (Cymru) 2021

**Fe'u gwnaed ar:**

**Fe'u gosodwyd ar:**

**Yn dod i rym ar:**



# SL(5)762 – Rheoliadau Cyd-bwyllgor Corfforedig De-ddwyrain (Cymru) 2021

## Gweithdrefn: Cadarnhaol

Mae adran 74 o Ddeddf Llywodraeth Leol ac Etholiadau (Cymru) 2021 ("Deddf 2021") yn galluogi Gweinidogion Cymru, drwy reoliadau, i sefydlu cyd-bwyllgorau corfforedig. Sefydlir y cyrff corfforedig hyn er mwyn arfer swyddogaethau penodol a bennir yn y rheoliadau sy'n eu sefydlu, mewn perthynas ag ardal sy'n cynnwys ardaloedd yr awdurdodau lleol sy'n ffurfio aelodaeth y cyd-bwyllgor corfforedig. Yn ogystal â hynny, pan roddir swyddogaethau mewn perthynas â chynllunio strategol i gyd-bwyllgor corfforedig, caiff awdurdod Parc Cenedlaethol fod yn aelod o'r pwyllgor hefyd.

Mae'r Rheoliadau hyn yn sefydlu corff corfforedig a elwir yn Gyd-bwyllgor Corfforedig y De-ddwyrain, ac yn pennu'r swyddogaethau a ganlyn fel rhai sy'n arferadwy gan y corff hwn—

- (1) y swyddogaeth llesiant economaidd (gweler adran 76 o Ddeddf 2021),
- (2) datblygu polisiâu trafnidiaeth a llunio cynlluniau trafnidiaeth rhanbarthol (o dan Ran 2 o Ddeddf Trafnidiaeth 2000), a
- (3) llunio cynlluniau datblygu strategol (gweler Rhan 6 o Ddeddf Cynllunio a Phrynu Gorfodol 2004).

Mae 5 Rhan i'r Rheoliadau hyn.

Mae Rhan 1 yn sefydlu Cyd-bwyllgor Corfforedig y De-ddwyrain, a'i ardal, ac yn diffinio rhai termau allweddol.

Mae Rhan 2 yn cyflwyno'r Atodlen i'r Rheoliadau. Mae'r Atodlen hon yn cynnwys trefniadau cyfansoddiadol Cyd-bwyllgor Corfforedig y De-ddwyrain, gan gynnwys trefniadau ynghylch cynnal a chadeirio cyfarfodydd, pleidleisio ar benderfyniadau, sefydlu is-bwyllgorau a staffio.

Mae Rhan 3 yn nodi aelodaeth Cyd-bwyllgor Corfforedig y De-ddwyrain. Yn unol â'r Rhan hon, bydd y corff wedi ei ffurfio o 10 aelod cyngor, un ar gyfer pob awdurdod lleol yn y de-ddwyrain, ac aelod o Awdurdod Parc Cenedlaethol Bannau Brycheiniog, nad oes ganddynt ond hawl i bleidleisio ar faterion sy'n ymwneud â llunio cynlluniau datblygu strategol. Caiff y Pwyllgor gyfethol personau eraill (a elwir yn "cyfranogwyr cyfetholedig") i gyfranogi ym musnes y Pwyllgor a chaiff roi hawliau pleidleisio i gyfranogwyr cyfetholedig.

Mae Rhan 4 yn pennu y caniateir arfer y 3 swyddogaeth a grybwyllir uchod gan Gyd-bwyllgor Corfforedig y De-ddwyrain ac y caiff y Pwyllgor wneud pethau eraill i hwyluso arfer y swyddogaethau hynny neu bethau sy'n gysylltiedig ag arfer y swyddogaethau hynny neu'n ffafriol iddynt.

Mae Rhan 5 yn cynnwys darpariaeth ynghylch sut y mae Cyd-bwyllgor Corfforedig y De-ddwyrain i gyfrifo ei gyllideb a sut y mae i'w ariannu.



**Rhiant-Ddeddf:** Deddf Llywodraeth Leol ac Etholiadau (Cymru) 2021

**Fe'u gwnaed ar:**

**Fe'u gosodwyd ar:**

**Yn dod i rym ar:**

## **SL(5)763 – Gorchymyn Deddf Cydraddoldeb 2010 (Awdurdodau Cyhoeddus sy'n ddarostyngedig i Ddyletswydd Cydraddoldeb y Sector Cyhoeddus) (Cymru) 2021**

### **Gweithdrefn: Cadarnhaol**

Mae'r Gorchymyn hwn yn diwygio Rhan 2 o Atodlen 19 i Ddeddf Cydraddoldeb 2010 ("y Ddeddf") drwy ychwanegu cydbwyllgorau corfforedig a sefydlwyd drwy reoliadau a wnaed o dan Ran 5 o Ddeddf Llywodraeth Leol ac Etholiadau (Cymru) 2021 at y rhestr o awdurdodau Cymreig perthnasol sy'n ddarostyngedig i Ddyletswydd Cydraddoldeb y Sector Cyhoeddus o dan adran 149(1) o'r Ddeddf.

Mae'r awdurdodau Cymreig perthnasol a bennir yn Rhan 2 o Atodlen 19 i'r Ddeddf yn awdurdodau sy'n bodloni'r prawf yn adran 157(2) o'r Ddeddf; hynny yw, maent yn awdurdodau Cymreig datganoledig o fewn yr ystyr a roddir i "devolved Welsh authority" yn adran 157A o Ddeddf Llywodraeth Cymru 2006.

**Rhiant-Ddeddf:** Deddf Cydraddoldeb 2010

**Fe'u gwnaed ar:**

**Fe'u gosodwyd ar:**

**Yn dod i rym ar:** 01 Ebrill 2021

## **SL(5)765 – Gorchymyn Deddf Archwilio Cyhoeddus (Cymru) 2004 (Diwygio) (Cyrff Llywodraeth Leol yng Nghymru) 2021**

### **Gweithdrefn: Cadarnhaol**

Mae Deddf Archwilio Cyhoeddus (Cymru) 2004 (Deddf 2004) yn rhoi swyddogaethau i Archwilydd Cyffredinol Cymru, gan gynnwys gwneud darpariaeth ynghylch archwilio cyfrifon cyrff cyhoeddus yng Nghymru.



Mae adran 12(1) o Ddeddf 2004 yn rhestru'r cyrff llywodraeth leol yng Nghymru y mae Rhan 2 o'r Ddeddf honno yn gymwys iddynt. Mae adran 12(2) o'r Ddeddf honno yn galluogi Gweinidogion Cymru, drwy Orchymyn, i ddiwygio'r rhestr honno.

Mae'r Gorchymyn hwn yn ychwanegu cyd-bwyllgorau corfforedig a sefydlir drwy Reoliadau a wneir o dan Ran 5 o Ddeddf Llywodraeth Leol ac Etholiadau (Cymru) 2021 at y rhestr yn adran 12(1) o Ddeddf 2004. Mae'r Gorchymyn hefyd yn gwneud mân ddarpariaeth ganlyniadol ac atodol.

Mae cyd-bwyllgorau corfforedig yn gyrrff corfforedig sy'n cynnwys yr awdurdodau lleol hynny yng Nghymru a bennir mewn Rheoliadau sy'n sefydlu cyd-bwyllgor corfforedig ac, o dan rai amgylchiadau, awdurdodau Parciau Cenedlaethol yn Nghymru.

**Rhiant-Ddeddf:** Deddf Archwilio Cyhoeddus (Cymru) 2004

**Fe'u gwnaed ar:**

**Fe'u gosodwyd ar:**

**Yn dod i rym ar:** 01 Ebrill 2021

## **SL(5)766 – Rheoliadau Deddf Ombwdsmon Gwasanaethau Cyhoeddus (Cymru) 2019 (Diwygio Atodlen 3) 2021**

### **Gweithdrefn: Cadarnhaol**

Mae'r Rheoliadau hyn yn diwygio Atodlen 3 i Ddeddf Ombwdsmon Gwasanaethau Cyhoeddus (Cymru) 2019. Mae Atodlen 3 yn nodi'r cyrff a'r personau eraill sy'n awdurdodau rhestredig at ddibenion y Ddeddf honno ac sydd felly o fewn cylch gwaith Ombwdsmon Gwasanaethau Cyhoeddus Cymru ("yr Ombwdsmon").

Mae'r Rheoliadau hyn yn ychwanegu at Atodlen 3 gydbwyllgorau corfforedig a sefydlir drwy Reoliadau a wneir o dan Ran 5 o Ddeddf Llywodraeth Leol ac Etholiadau (Cymru) 2021.

Mae'r Rheoliadau hyn yn pennu bod holl swyddogaethau cydbwyllgor corfforedig i ddod o fewn cylch gwaith yr Ombwdsmon o dan Ran 3 o'r Ddeddf honno.

**Rhiant-Ddeddf:** Deddf Ombwdsmon Gwasanaethau Cyhoeddus (Cymru) 2019

**Fe'u gwnaed ar:**

**Fe'u gosodwyd ar:**

**Yn dod i rym ar:** 01 Ebrill 2021



# SL(5)768 – Rheoliadau Cyd-bwyllgorau Corfforedig (Cyffredinol) (Cymru) 2021

## Gweithdrefn: Cadarnhaol

Mae'r Rheoliadau hyn ("y Rheoliadau Cyffredinol") yn cyflwyno nifer o ddarpariaethau cyffredinol mewn perthynas â Chyd-bwyllgorau Corfforedig a sefydlir o dan Ran 5 o Ddeddf Llywodraeth Leol ac Etholiadau (Cymru) 2021.

Mae'r Rheoliadau Cyffredinol yn ceisio sicrhau:

- fel rhan o'r defnydd ehangach o fframwaith moesegol llywodraeth leol, bod aelodau, cyfranogwyr cyfetholedig a chyflogeion Cyd-bwyllgorau Corfforedig yn ddarostyngedig i safonau ymddygiad priodol.
- bod Cyd-bwyllgorau Corfforedig yn ddarostyngedig i gyfundrefn gyfrifyddu, archwilio a rheoli ariannol briodol.

Mae'r Rheoliadau Cyffredinol hefyd yn gwneud nifer fach o fân ddiwygiadau er mwyn:

- cefnogi'r trefniadau angenrheidiol ar gyfer darparu gwasanaethau rhwng Cyd-bwyllgorau Corfforedig ac awdurdodau lleol;
- sicrhau bod aelodau Cyd-bwyllgor Corfforedig yn cael eu trin yn gyfartal gan y Cyd-bwyllgor Corfforedig; a
- darparu i'r Cyd-bwyllgor Corfforedig allu dal a gwaredu asedau.

Mae Atodlen 2 i'r Rheoliadau Cyffredinol yn darparu bod Rheoliadau Awdurdodau Lleol (Cyllid Cyfalaf a Chyfrifyddu) (Cymru) 2003 yn gymwys i gyd-bwyllgorau corfforedig fel y maent yn gymwys i awdurdodau lleol.

Mae Atodlen 3 i'r Rheoliadau Cyffredinol yn gwneud diwygiadau cyffredinol i ddeddfiadau eraill gan gynnwys:

- Deddf Awdurdodau Lleol (Nwyddau a Gwasanaethau) 1970 (cyflenwi nwyddau a gwasanaethau gan awdurdodau lleol) fel bod Cyd-bwyllgorau Corfforedig yn cael eu cynnwys fel "Awdurdod Lleol" at ddiben y Ddeddf honno.
- Deddf Cydraddoldeb 2010 ac adran 59 fel bod Cyd-bwyllgorau Corfforedig yn cael eu cynnwys fel "awdurdod lleol" at ddibenion adran 58 o'r Ddeddf honno (Busnes swyddogol yr aelodau).
- Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 fel bod Cyd-bwyllgorau Corfforedig yn cael eu cynnwys fel "corff cyhoeddus" at ddibenion paragraff 1 o Atodlen 20 (Rhyddhad ar gyfer caffael gan gyrrff cyhoeddus a chyrrff lechyd) i'r Ddeddf honno.





**Rhiant-Ddeddf:** Deddf Llywodraeth Leol ac Etholiadau (Cymru) 2021

**Fe'u gwnaed ar:**

**Fe'u gosodwyd ar:**

**Yn dod i rym ar:** 01 Ebrill 2021



Senedd Cymru

**Pwyllgor Deddfwriaeth, Cyfiawnder a'r Cyfansoddiad**

—

Welsh Parliament

**Legislation, Justice and Constitution Committee**